

PRAKATA

Dengan nama Allah yang Maha Pemurah lagi Maha Penyayang, segala puji bagi Allah SWT yang telah memberi sebaik-baik nikmat berupa iman dan Islam. Selawat dan salam diucapkan selalu kepada Nabi agung Muhammad SAW beserta keluarga dan para sahabat baginda semuanya. Syabas dan tahniah kepada semua yang terlibat dengan penerbitan e-buku ini, sama ada sebagai penerbit, penyunting, editor dan penyumbang artikel. Ucapan terima kasih di atas kesempatan yang diberikan untuk saya menukikan sepatah dua kata dalam buku ini bagi mewakili pihak pengurusan fakulti. Pemahaman dan penghayatan sebenar nilai-nilai Islam dalam aspek pendidikan diyakini mampu untuk menangani isu-isu kontemporari yang timbul dalam menterjemahkan maksud sebenar pendidikan dalam Islam. Antara solusi yang terpenting bagi mengatasi isu-isu tersebut berteraskan kepada kepercayaan kepada tuhan dan penerapan nilai dan akhlak dalam pendidikan. Hal ini kerana kepelbagaian teknologi dan revolusi perindustrian 4.0 telah merubah corak dan landskap kehidupan manusia. Hal ini dipesan oleh Saidina Ali RA berpesan

“Didiklah (persiapkanlah) anak-anakmu atas hal yang berbeza dengan keadaanmu (sekarang) kerana mereka adalah manusia yang hidup untuk satu zaman yang bukan zamanmu (sekarang).”

Biarlah ilmu yang kita miliki selaras dengan keperluan zaman bagi memastikan kelangsungan dan kerelevanan ilmu. Semoga penerbitan e-buku ini akan memberi impak yang besar dalam memberi nilai tambah kepada khazanah penyelidikan negara berteraskan pengajian pendidikan. E-buku ini juga diharap agar mampu memberi pendedahan kepada para pembaca untuk memaknai penyelidikan yang telah dilaksanakan sesuai dengan teori dan kemahiran yang dipelajari serta inovasi yang dihasilkan.

Sekian, selamat membaca.

JULIA MADZALAN
Pengarah 5th ISoT 2021,
Fakulti Pendidikan
Kolej Universiti Islam Antarabangsa Selangor (KUIS).